

趙氏族譜

友山甫鈔

卷伍春冊

紀藝文下

民國庚申孟秋

裔孫趙輔仁
親手修鈔



趙氏族譜

後世子孫什
襲如珍藏之。

調鶴山房續修。

趙氏族譜卷五。藝文下。謹案以下。趙氏著述之文。

趙公歛之遺稿。

公名禧昌字歛之號喜園道光間邑茂才性孝友嗜詩書父秀峯太守公藏書甚富乃手不釋卷者三十餘年藏書無不遍讀而能強記得博雅名昔林文忠公駐節大理見而深器之公析產時不與羣徒計多寡人咸稱其

歛之公撰李氏族譜序。

能讓迨杜逆倡亂不為所用教授里中成名頗眾著述亦多事蹟載縣志文學部平生教篤倫常以纂修家譜為己任晚年好道心誠故於三氏之書尤精多註釋梵音經典玄功精深玄名純道惜遺稿燬於兵所存寥寥

讓解橋之西有村曰坡頭古香門邑舊址也。左右兩隼夾翼之。巨族二。聚落其中。東為趙。西為李。蜿蜒綿亘。若長虹然。環於喜洲西南隅。先是二姓。締金石交。共卜居。擇斯里。善約曰。子若孫。聚族於斯。鄰以德。無相軋也。無滋他族。無俾易種。於茲新邑。故至今。無異姓。組織其里者。厥後卜兆。約如初。故宏圭山。兩姓祖塋。累累相承。亦上李而下趙。肝膽唇齒。約數百年矣。軒輶者。咸以朱陳陳雷目之。趙固繁。而李亦衍。李本望族也。元時李順者。為大理主事。其始遷之祖云。繼有諱錦。字文軒者。以湖廣滎縣知縣。擊賊殉於難。氣節凜凜。彪炳瑣珉。嗣為琬琰。珊瑚。四派。珊以教讀。家迷渡。籍坡頭者。琬琰球之裔也。延至國朝。族益繁衍。德業聞望。代不乏人。譜牒頗詳。嗣因不戒於火。致成缺典。迄今。我太親李輯五先生。慨推遷之往事。冀昭茲於來許。兵燹之餘。獨肩斯任。考世系。序昭穆。部署族人。諸凡井井。閱

數月而譜成。出以示禧。且徵序焉。夫族之有譜。所以敬宗也。敬宗即所以睦族。是又相因者也。今閱斯譜。詳列始祖。重宗也。序別三派。重禰也。代而推之。罔弗周至。重支也。移居者必舉。重遷也。慮越世也。隴阡必志。重藏也。小殤次殤者附之。重祔也。出繼者詳之。重適也。入繼者縷之。重系也。別異姓也。可謂備矣。文惟質。事惟簡。無取乎鋪張附會。懼誣也。宗則近。派則的。無慕乎牽合繁麗。其狄武襄不敢遠祖。梁公之遺意歟。本是而敬宗。而睦族。譜之所係者大矣哉。竊以禧。世居積善邑。距坡頭村約里許。而坡頭趙族。與積善趙族。其始祖名派適同。則趙氏之源。或亦族歟。然世系既無可考。又無譜牒以徵之。此所以相視如途人也。由是觀之。則李氏族譜之汲修於今日。不綦重哉。是為序。

世愚姪趙禧昌頓首拜序。

。歛之公。臨終遺囑。

。聞之家之興也。以和而致。家之替也。以乖而致。此一定之理也。吾家世守忠厚。重倫常。而輕財貨。自先大父久已著名。禧少承父訓。習守家規。愧未能如先大父之居積致富。稍有餘財。嗣蒙先父所分。獲先母奩。

餘銀壹伯兩。六弟瑞即將此項銀兩借與馬久邑。楊述吾家。歷今三十餘年。本利分文俱無。後於己巳年。析產授業時。蒙先父分給銀貳伯兩。禧又因收獲退還鋪面銀貳伯兩。俱交與協盛號。此禧五十餘年所守之業也。此外復有金鐲壹支。係先父手物。授產時。迺親付禧曰。此物吾佩已身上。今給汝。爾弟二人。吾已令爾母給之矣。以故由丙辰至今。累遭兵燹。猶拳拳此物。不敢失。非重金。重手澤也。壬辰夏五月。兵練入境。家業蕩然。爰將此物轉寄楊正茂家。雖衣食之資。無從措辦。猶不敢輕變此物焉。爾時六與八。因前此辦公。罰銀壹伯伍拾兩。六弟前與余謀曰。乞兄借與。以消此款。余曰。刻下此物。切不可輕用。恐鑠人耳目。反遭別議也。後復因為此轉借。余復應之曰。如以此物應公。則苛索無虛日矣。願以兄之田付之。令其轉售。以銷此公款。似為妥協。况兄自五月初七之後。身膺痢症之病。至六月中旬。尚未痊也。今尚未起。設有不幸。宜留以作身後計。與其秘之。詎意催科太緊。六弟自往楊正茂家。將此物取去。令天才親賫往劍川。變換銀兩。以充公款。乃始向余曰。所寄正茂家物。弟已親取入手。計重肆兩。

五錢五分。業令

天才上劍易換。以杜口風。雖以了八弟之事。實以了弟之

事也。弟自當按月籌還。以作兄開費焉。越月餘。六弟乃向余言曰。此物實

因八弟而費。弟須令八弟書立賣田畝作償方安。余說之曰。八弟人多田

少。况處困耶。矧弟為己身。與及八弟。今何得推與八弟獨任耶。如此應事。

兄不受也。六弟曰。兄既不受此田。弟自有應為之方。其兄之開費。俟七月

後。自當按月籌還銀兩數金也。嗚呼。言猶在耳。詎意余赴鶴應試之後。八

月初五。而遽以凶聞也。迨九月期功之服。遂叢集于身也。竊以大劫之年。

守分為要。家常一切。均係淡泊。十月初二之午。余因昨者。安居郝太孺人

工價。尚欠錢壹千文。因向

天才

款借償。情愿行息。誰知堅執不允。似此重

錢文而薄倫常。家之替也。可不懼哉。余以風燭草霜之軀。衣食不繼之際。

此時家無顆粒。囊乏分文。誠恐偶蹈不測。人將詬我。以致冤眷屬二人。因

書此以表之。以呈當世之篤倫常者。

此原文尚存。特錄入諸內。公諸同覽。以戒後世之重錢文而薄倫常者。

。歛之公。題仁園兄國手。七袞壽圖詩。

壽者精神自有真。能全三寶氣深醇。活人萬萬指頭力。延年爭頌丈人星。

近代頌禱獻奇技。丹青之外繡圖陳。尺幅別具大造化。壽星隱隱如其人。壽星之神挽髻巾。身衣黃衣淡色裙。手執拄杖天地潤。杖頭葫蘆貯乾坤。回頭左顧蝙蝠精。蝙蝠先得氣之清。右倚神鹿身離塵。此鹿含芝善葆精。精氣化物蝠與鹿。壽星獨現神中神。鶴髮童顏絳朱唇。笑容可掬齒重斷。繞膝子孫繼繼繩。蟠桃爭獻雙手擎。千鍼萬縷如寫生。高懸華筵連城珍。始知先生凝神為精氣之祖。聚氣煉精為神之賓。小用微技徵國手。捨芝施朮三百困。散錢百萬善濟貧。無惑乎精氣獨健神獨純。直與朱圖相權衡。願祝椿齡八千春。

。歛之公題邑庠彥簡堂張公遺照。

先生憂道樂清貧。榮辱升沉影與身。却慚身外牽縈冕。瑤池沐浴賜衣新。深竹閒園偶辟疆。遠岫當軒列翠光。陰德自然宜有慶。九衢風土帶花香。錦堂書永納簾垂。有子皆如玉樹枝。遙想滿堂歡笑處。子孫蕃育羨螽斯。舊日儀容只宛然。雪門天竺舊因緣。百年世澤餘家慶。珠樹瓊枝近碧天。

。歛之公題郡庠彥景軒張公遺照。

張家孝友傳周雅。蒼洱清河其嗣者。爭羨君家克象賢。一堂篤祐怡怡也。
憶昔金昆游閩洛。東銘西銘鴻著作。亦有玉友錦城游。分來半秩榮燕雀。
羨君棲隱花萼樓。樓前芳草秋復秋。雨雨風風連床樂。名鞭利絙總不收。
此風春風燦桃李。此雨春雨培蘭芷。經師人師人所師。共附先生杖與履。
家肥釀作家之瑞。融洩門庭嘉祥萃。子孫繼繼復繩繩。好振聲華長不墜。
子姪看來等樣親。十起何殊一起真。無私自古稱難到。緬想唐初第五倫。
方期芳表著芳型。忽訝箕星駕月軒。一幅丹青真榜樣。蘭香桂馥是寧馨。
今日披圖覽遺照。愧無彩筆名德曜。德門佇見墓焚黃。五鳳頻頒紫泥詔。

。歛之公題邑庠彥配張母李太孺人遺照。并以誌輓。

一曰德。秉心塞淵。柔惠且直。惟孺人兮。有典有則。二曰貌。望齊三品。淑垂
四教。惟孺人兮。是則是儆。三曰言。傳言玉女。絨口金人。惟孺人兮。有脊有
倫。四曰工。一梭擲月。十指追風。惟孺人兮。是始是終。吁嗟乎。七十年中肅
且雍。蒼洱爭頌女之宗。今日三冬雪正濃。披圖瞻拜班曹容。會當膺誥玉
芙蓉。五花封兮雙管彤。吁嗟乎。披圖瞻拜女之宗。蒼山十九峯頭外。尚留

此不願之天姥峯。

。歛之公。輓張景軒先生。九言一截。

昨夜山風吹開芙蓉城。選到人間主文石曼卿。愁悵東銘西銘古君子。身騎箕尾直上白雲京。

。歛之公。擬撰寺廟聖神楹聯。

九光傳九統。會九清。集九靈。九曲九歌式九如。宛當年雲團九天。九千萬人。譜出金光九道。
每年正月初九日。喜洲善信弟子。慶祝至尊上帝聖誕。恭就凌霄殿。談演玉皇本行集經。闡微金部公鑒此聯。專以九五二字著筆。顯明此經。即以九五二字著眼可知。上帝位居九五之尊。

章。演就玉音五聲。

五音布五方。運五炁。化五符。五星五老降五福。洎今日經談五品。五十二上指天。下指地。赤灑灑法身。橫當三界。

集如來楹聯。

前劫去。後劫來。妙魏魏至德。徧現十方。

集觀音楹聯。當時觀音。寄望於財神殿內。

長者化身。善財闢就天降洞。

普門妙品。鸚鵡啣來鸛鵬洲。

帝遣黃龍飛佛宇。風成百谷。

集聖帝楹聯。顯靈應。

人傳玉鏡掛名山。雲護千家。

緬聖澤於九壇。九穀遂生。共沐九天雨露。

集九壇神極二聯。

荷神庥於四月。四民樂業。咸聞四境笙歌。

用九贊乾元。九壇化敷。昭聖澤。

是六詔時愛民者。

集九壇神祠內。本主愛民景帝聯。

登三開泰運。三時慶洽。荷神庥。

故千載下景仰之。

。歛之公。祝族弟香山。拔貢。六旬壽對。

。又擬撰家內臨喪聯。

是日為福星所會。

按香山係正月初九日生辰。祝壽之年。又是初九日立春。

愛日永懷五十五。

為庶姓張太孺人作。太孺人嘗言吾年五十五當卒。後果然。同治壬申年三月三日卒。

其人得春氣之先。

婺星歸華嶽。

為庶姓王太孺人作。太孺人籍隸陝西。陟此興悲嗟予季。

為四孀母楊太孺人作。時中之弟遠遊故云。

滿腔熱血隨流水。

為人胞弟恒昌作。恒昌素性熱心。直言無隱。

春雪滿蒼山。

秦遜卒。倚門而望復何人。

數點秋山帳落暉。

○○○。欽之公。恭撰諸神聖表文。
○○玉皇表。維。此表文句均以萬字壽字作眼。

大清咸豐九年。正月初九日。子時。聚真樓。主祭弟子。某某等。謹以燈

香花果之儀。致祝於

萬天金闕。至尊玉几壽筵下。伏以

萬天之精。結為壽字。

萬地之彩。演成壽文。

壽同日月。高開萬化之原。

壽並山河。獨統萬教之主。

萬一千五百二十策。六十四卦演壽圖。

十二萬九千有餘年。二十八宿開壽曜。惟

壽世壽人。獨擅無無之至。故

萬方萬載。同瞻有有之尊。恭惟

至尊。

壽徵

元始之前。

壽衍

朕兆之後。為

萬世三教之宗。壽永三才。啟

萬代九光之法。壽臻九統。

十七光明燈。浮千門萬戶。

三十功德善。普萬典千經。

端拱垂裳臨萬佛。惟恭則壽。

慈祥惠霽恤萬彙。是仁者壽。似此

壽福之攸宜。誠為

萬言所難罄。弟子某某等。幸蒙

漢壽亭侯。以宣講濟萬法之窮。

長壽帝君。以倫常立萬品之極。

長者現。壽者相。恩救萬民。
光佛著。壽佛心。機開萬種。以故

萬過之身。得逢

壽域。壽宇之下。竊荷

萬全。更聞

一萬二千零三十六字之精華。得露

壽富康寧好德考終命之庇蔭。謹消萬慮。為

上壽介壽之詞。共集萬誠。擬

獻壽祝壽之表。以報

鴻恩於萬一。庶伸

駿德之萬千。謹具

壽言。上呈

壽几。伏冀

萬道金光。祥開仁壽之鏡。

萬聲玉磬。雅著康壽之音。
壽以金丹。共假鸞鳳之羽。
壽歸仁性。好作龜龍之章。

臨表不勝屏

萬緣呼

萬歲頌

萬壽之無疆。祝

萬壽之無期。謹

上表以

聞。

○○老君表。惟。

大清咸豐九年。二月十五日。子時。聚真樓。主祭弟子。某某某。及閤會

弟子。某某某等。謹以燈香花果之儀。致祝於

太上道祖。三清應化天尊。座下。曰。惟

道祖。索籥乾坤。

鼎爐離坎。

子職弗衰於老。孝貫乎天之經。地之義。民之行。德業聿茂於今。道揭乎上。無天。中無人。下無地。

帝者師。王者師。實聖者師。

道之祖。儒之祖。亦佛之祖。

上極無上。休休焉。其如有容焉。蕩蕩乎。民無能名焉。玄之又玄。唯深也。通天下之志。唯幾也。成天下之務。

青牛留法於往昔。號著猶龍。

紫鸞飛筆於今茲。跡傳調鶴。

普善化於守善。

露真機於聚真。

德本參乎兩間。

運實轉乎八卦。似此。

崇高莫銘。啣補茲屈中和令節。欣逢
弧悅良辰。虔肅禮儀。敬祝

嵩嶽尚

饗。

○○王母表。惟。

大清某年。聚真樓。閣會弟子。某某等。為因欣逢

上元甲子。談演

某某經。酌謝

天地事。竊以太極開

太上之度。先耦陰而後奇陽。太易發

太元之機。次乾天而首坤地。故

大撓造甲子。必溯女媧之補天。

羲和論甲子。預定姮娥之奔月。欽惟

瑤池王母。天花教主。大天尊。座下。

位順西寧。
德同南健。

上極無上。統上聖之仙班。

元之又元。轄元君之紀秩。茲逢人生轉甲之年。特降
天道開予之會。故

桃園之寶笈。畢露瓦沙。俾樗質之鈍材。如登

瑤島。得聞

始劫定劫解劫之說。爭美

尊無二上之尊。普度

上界中界下界之緣。咸仰

大會三元之大。茲於癸亥除夕之宵。甲子元旦之日。虔誠談演

尊經壹部。藉以上酌

天恩。下謝

地德。五劫消而金吾不禁。行見甲兵水火。瘟疫饑饉蟲蝗之不興。